



---

Tuzla, Franjevačka 36, tel.: +387 35 30 06 00, fax: +387 35 27 53 73, e-mail: info@zzotk.ba

Broj: 03-11-1-2241-4/24- JH/SA

Tuzla, 23.01.2025. godine

Na osnovu člana 70. stav (1) i (3) Zakona o javnim nabavkama ("Službeni glasnik BiH", broj: 39/14, 59/22 i 50/24), člana 12. Statuta Zavoda zdravstvenog osiguranja Tuzlanskog kantona Tuzla ("Službene novine TK" broj: 04/16) i Preporuke Komisije za provođenje postupka ugovaranja zdravstvene zaštite za 2025. godinu date u Zapisniku o otvaranju, pregledu i ocjeni ponuda broj: 03-11-1-2241-3/24 – JH/SA od 23.01.2025.godine, donosi se sljedeća

**O D L U K A**  
**o izboru ponuđača –**  
**nabavka usluga zdravstvene zaštite zuba u opštoj anesteziji za**  
**osobe sa posebnim potrebama za 2025. godinu**

**I**

Cijeneći Preporuku Komisije za provođenje postupka ugovaranja zdravstvene zaštite, za nabavku usluga zdravstvene zaštite zuba u opštoj anesteziji za osobe sa posebnim potrebama za 2025. godinu, za koje je u sistemu Javnih nabavki objavljeno Obavještenje o nabavci usluge iz Aneksa II broj: 793-9-2-4-22-6/25 od 10.01.2025. godine, bira se ponuđač JZU Univerzitetski klinički centar Tuzla.

**II**

Cijene po kojima će se pružati usluge su sljedeće, a maksimalno do 100.000,00 KM:

- Specijalistički pregled anesteziologa (sa dijagnostikom), po usluzi u iznosu do...80,00 KM
- Anestezija – po satu u iznosu do.....500,00 KM
- Popravka zuba, po zubu u iznosu do..... 80,00 KM
- Vađenje zuba po zubu u iznosu do.....60,00 KM
- Resekcija korjena zuba- apiktomija, po zubu u iznosu do.....310,00 KM
- Liječenje zuba, po zubu u iznosu do.....210,00 KM
- Čišćenje zubnog kamenca, po vilici u iznosu do.....35,00 KM

**III**

Nakon proteka Zakonom predviđenog roka, te dobijanjem Saglasnosti Ministarstva zdravstva Tuzlanskog kantona i usvajanjem Odluke Upravnog odbora ZZO TK o davanju Saglasnosti na zaključivanje ugovora, Ugovorni organ će sa izabranim ponuđačem zaključiti Ugovor o nabavci usluga zdravstvene zaštite zuba u opštoj anesteziji za osobe sa posebnim potrebama za 2025. godinu.

**IV**

U skladu sa članom 70. stav (6) Zakona o javnim nabavkama BiH, ova Odluka će biti objavljena na internet stranici Ugovornog organa istovremeno sa upućivanjem svim učesnicima u predmetnom postupku.

**V**

Ova Odluka stupa na snagu danom donošenja.

## OBRAZLOŽENJE

Na osnovu člana 8. stav (1) Zakona o javnim nabavkama ("Službeni glasnik BiH" broj: 39/14, 59/22 i 50/24), Odluke o utvrđivanju osnova, kriterija i mjerila za zaključivanje ugovora o pružanju zdravstvene zaštite iz obaveznog zdravstvenog osiguranja za 2025. godinu („Službene novine TK“: 1/25), člana 12. Statuta Zavoda zdravstvenog osiguranja Tuzlanskog kantona Tuzla ("Službene novine TK" broj: 4/16) i Saglasnosti Ministarstva zdravstva TK broj: 13/1-33-35426/24 od 10.12.2024. godine, objavljen je Javni poziv za dostavu ponuda za ugovaranje usluga zdravstvene zaštite zuba u opštoj anesteziji za osobe sa posebnim potrebama za 2025. godinu.

Predmet Javnog poziva su usluge zdravstvene zaštite zuba u opštoj anesteziji za osobe sa posebnim potrebama, a u skladu sa Procedurom za odobravanje zdravstvenih usluga sanacije zuba u opštoj anesteziji broj: 01-0245-476/19 od 28.05.2019. godine i broj: 01-02-4-227/20 od 13.03.2020. godine i to:

- Specijalistički pregled anesteziologa (sa dijagnostikom),
- Anestezija,
- Popravka zuba,
- Vađenje zuba,
- Resekcija korijena zuba-apiktomija,
- Liječenje zuba i
- Čišćenje zubnog kamenca.

Procijenjena vrijednost nabavke iznosila je 100.000 KM. Kriterij za odabir ponuđača bio je najniža ponuđena cijena.

Maksimalne cijene po kojima će se vršiti realizacija ugovora, u skladu sa odlukama Upravnog odbora ZZOTK iznose:

- Specijalistički pregled anesteziologa (sa dijagnostikom), po usluzi u iznosu do....80,00 KM
- Anestezija – po satu u iznosu do.....500,00 KM
- Popravka zuba, po zubu u iznosu do..... 80,00 KM
- Vađenje zuba po zubu u iznosu do.....60,00 KM
- Resekcija korijena zuba- apiktomija, po zubu u iznosu do.....310,00 KM
- Liječenje zuba, po zubu u iznosu do.....210,00 KM
- Čišćenje zubnog kamenca, po vilici u iznosu do.....35,00 KM

U skladu sa Javnim pozivom, rok za dostavu ponuda bio je 20.01.2025. godine do 11:00h.

Dana 20.01.2025. godine u 8 sati zaprimljena je ponuda jednog ponuđača - JZU Univerzitetski klinički centar Tuzla, što je u okviru krajnjeg utvrđenog roka za dostavu ponuda.

Analizom ponude utvrđeno je da je ponuda prihvatljiva i da je ponuđač za pružanje usluga koje su predmet Javnog poziva ponudio cijene koje su na nivou maksimalno utvrđenih Odlukom Upravnog odbora Zavoda.

Uzimajući u obzir naprijed navedeno odlučeno je kao u dispozitivu ove Odluke.

### POUKA O PRAVNOM LIJEKU:

Protiv ove Odluke može se izjaviti Žalba Uredu za razmatranje žalbi putem ovog Ugovornog organa najkasnije u roku u roku od 10 dana od dana prijema ove Odluke.

### Dostavljeno:

1. Ponuđaču (e-mail)



DIREKTOR

Doc.dr.sc. Denis Husić, dipl. pravnik